



C
II
10

С II. 2

18

498091P

DISSERTATIO MEDICA

73338

INAUGURALIS,

DE

Morbis ab ÆTATUM mutationi-
bus oriundis :

QUAM

ANNUENTE SUMMO NUMINE,

Ex auctoritate Reverendi admodum viri

GULIELMI WISHART, S.T.D.

ACADEMIAE EDINBURGENSIS PRAEFECTI;

NEC NON

Amplissimi SENATUS ACADEMICI *consensu,*
et nobilissimae FACULTATIS MEDICAE *decreto;*

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS
RITE ET LEGITIME CONSEQUENDIS,
ERUDITORUM EXAMINI SUBJICIT

GILBERTUS STEWART, SCOTO-BRITANNUS.

Pridie Idus Martii 1753, hora locoque solitis.

EDINBURGI:

Apud HAMILTON, BALFOUR, et NEILL:
M,DCC,LIII.



VIRIS DOCTISSIMIS

D. DAVIDI ROSS,
D. AMBROSIO DAWSON,
D. JOANNI-THOMAE BATT,
D. JOANNI CLEPHANE,
M. D. D.

Nosocomii sancti GEORGII apud Londinenses
Medicis ordinariis, erga aegros, provida
sua cura atque humanitate, insigniter con-
spicuis ;

Tantaeque erga discipulos suos urbanitatis, et
in scrupulis eorum enodandis diligentiae ;

UT APUD EOS,

In medicinae praxi proficiendi egregie nun-
quam non praebeantur occasiones, quibus
ad praestantiora artis mysteria prompte per-
veniatur :

Comitatis ac beneficentiae causa, qua, seip-
sum sub eorum auspiciis haerentem pro-
sequi dignati sunt,

Theses hasce medicas, studiorum suorum pri-
mitias, observantiae suae gratique animi
monumentum,

D. D. C. Q.

GILBERTUS STEWART.



Digitized by the Internet Archive
in 2018 with funding from
Wellcome Library

<https://archive.org/details/b30345790>

HAEC intestina illa calamitas, quam nulla ars, nulla humana industria effugere, sed ne reprimere quidem potest. Etenim si cui ab ortu temperato vel AESCULAPIUS praesit, qui illum, ab iis, quae foris sunt, aut quae intro sumuntur causis, salvum et incolumem sic tueatur, ut nulum inde corpus detrimentum capiat; is tamen a semetipso suaque sponte magis magisque conficietur consumeturque, donec tandem extremum spiritum edat. Illuc dum contendit, plurimas, hoc interim spatio, mutationes necessario sustinet. Has qui annorum spatiis et intervallis dimensi primum discreverunt simul aetates appellarunt, ut sit aetas id vitae curriculum quo luculenter corporis constitutio per se suoque nutu mutatur.

VERULAMIUS

DISSERTATIO INAUGURALIS

D E

Morbis ab ÆTATUM mutationibus
oriundis.

DOCENT anatome et phyfiologia corpus humanum ex firmis et liquidis, ita artificiose fabrefactis, et inter fe unitis, constare, ut, ex mutuis in fe invicem actionibus et reactionibus rite peractis et bene absolutis, vita sanitasque pendeant. Probari facillime potest solida et fluida haec in variis aetatibus diversas inter fe habere proportiones, quae non solum vires corporis, et ejus ad morbos proclivitatem, sed etiam facultates mentis, mutant et variant. Corporis hanc, ad morbos suscipiendos et abigendos, dispositionem divinus HIPPOCRATES * medicinae parens olim observavit; et morbos ad quos diversae hominum aetates procliviores sunt, methodo compendiosa sibi propria, accuratissime descripsit. Et quamvis haec corporis conditio, a singulis medicinae peritis, in praxi observata fuerit, nullus tamen

A

tractatus

* Sect. 3. aphor. circafinem.

tractatus, mihi saltem cognitus, adhuc prodiit, qui thema hoc, causas nempe in corpore prae-existentes, quae morbos hosce, pro aetatis periodo, inducant, sibi proposuit. Argumentum hoc, pro momento suo tractatum, ingentem in molem excurreret; me autem, pro ingenioli nostri modulo, id levius tantum perstringere animus fert.

IN hoc pertractando, ut ordine procedamus, vitam humanam in varias aetatum periodos, *pueritiam* scilicet, *juventutem*, *aetatem adultam*, et *senectutem*, distinguere necessarium duximus. In terminis hisce periodis constituendis, inter auctores multum disceptatur; et finis quidem unius cum principio sequentis ita coincidit, ut nullus sit revera limes; idealem tamen hanc vitae divisionem, ad regionem, et naturae in Britannia nostra leges, accommodare conabimur.

PUERITIA ab ipso ortu exordiat (factum enim ex industria intactum relinquere lubet), et circiter decimum quartum aetatis annum, seu pubertatem, terminet. Pueritiam sequatur juvenus, quae ad trigesimum circiter annum durèt: nam quamvis corpus nostrum proceritatem suam, ante istud tempus acquisi-

verit,

verit, tamen craffitudo ejus carnofa ad periodum iftam incrementum recipit ; et ad hanc aetatem cum quis pervenerit, perfectus et maturus exiftimatur. Ætas adulta, quae huic fuccedit, ad annum circiter quinquagefimum excurrat ; nam quamvis homines fobrii tum non fenefcant, intemperati tamen multo citius fenectute gravati funt. Ætate hac absoluta, intervenit fenectus cui nullos limites ponimus, et ufque ad mortem fenilem, quae ex ipfa corporis fabrica, vitae finem imponit, extendatur.

QUUM omnes morbi quibus corpus humanum obnoxium eft, vel folida, vel fluida, vel utraque fimul afficiunt ; hinc neceffarium erit, quaedam de corporis habitu in unaquaque periodo breviter praemittere, priufquam ad morbos fingulis proprios explicandos veniamus. Demonftrant microfcopia et injectiones, hominem, quo origini fuae propiorem, eo plus ex fibris fimplicibus, membranis et vafis confare, quae mollia et flexibilia funt, et magnae copiae fluidorum vivido et vegeto corde pulforum, facile cedunt. Haec effe coporis incremento neceffaria exinde conftat, quod cor parietes vaforum iftorum innumerabilium ad longitudinem producere annititur, et vafa ifta, quamvis

quamvis naturâ mollia, ita tamen intorta et convoluta sunt, ut resistantiam requisitam cordi sanguinem projicienti creent; unde omnes partes elongantur, et particulae aptae foveas et interstitia vi vitae facta ita lent, ut plus incrementi, quam damni, recipiat corpus infantis; et sic incrementum fit. Ista corporis conditiones quae ad subitum incrementum necessariae sunt; in tenellâ aetate magis valent; tunc enim corporis incrementum celerius procedit: sed ex ipsa ista actione plurima vasa eliduntur et solida evadunt, et fluidorum ratio ad solida, et vis cordis comparativa, respectu resistantiarum, indies minuuntur; adeo ut quo adultius est animal, incrementum lentius procedat. Nam quamvis solida motu suo naturali systaltico ad incrementum egregie conducunt, eorum tamen motus violentus diastalticus huic, in ratione quantitatis materiae auctae, semper resistit; et sic ad pubertatis gradum corpus sensim attingit.

IN homine, encephalon et ejus producta, medulla spinalis et nervi, majorem ad reliquas partes habent proportionem, quo origini suae propior est: cerebrum minus firmum est, et nervi molliores, adeoque irritabiliores sunt; exinde

inde, a levissimis causis, infantes violentis et spasmodicis nervorum morbis obnoxii sunt.

Ad corporis incrementum, ut supra dictum, necesse est vim fluidorum e corde contrahente projectorum, robur et renitentiam solidorum exsuperare, et hoc in aetate teneriori magis patet; unde omnes morbi, qui a nimia copia et impetu fluidorum proveniunt, infantibus maxime familiares sunt.

Ad incrementum, etiam supra notavimus, necessarium esse ut solida debilia laxa et distensibilia sint; alimentorum autem digestionem et sanguinis confectionem, a vi vasorum et viscerum, praecipue pendere, ex physiologia patet. In infantibus igitur, alimentorum cruditates, sanguinis morbosa diathesis, et omnia quae exinde sequi possunt, expectanda sunt.

MORBI igitur ad quos pueritia proclivior est, a tribus causis deducendi sunt.

1mo, AB ingenti et facili systematis nervosi mobilitate.

2do, A magno cordis robore et fluidorum ingenti copia et impetu.

3tio,

3tio, A debili et laxa compage solidorum, et eorum exinde actione debilitata.

IN producendis infantum morbis, hae tres causae simul agunt et conspirant; sed, ut ordinem sequamur, hi morbi, qui ab una harum causarum magis immediate, quam ab alia proveniri videntur, sub suo titulo tractandi sunt. Et quoniam morbi quibus infantes recens nati infestantur, a debilibus solidis originem ducunt, ab hisce incipiendum est.

QUAMPRIMUM infans nascitur, molestiam et dolorem, a viscido quodam crassamento, totum canalem alimentarium occupante, quod ex fluidis in foetu viscidis et aquosis gignitur, pati incipit. Infantis quippe solida naturâ debilia sunt, et fluidorum proprietates ab actione solidorum rite peractâ pendent: ista vero quodammodo languente, fluida viscidum lentorem contrahunt. Exhalantes arteriae, in tubi alimentarii cavitatem, lympham quandam variis usibus aptam, nunquam non distillant, quae, si a venis inhalantibus non absorbeatur, quod in tali corporis statu usu venit, sensim accumulabitur, et stagnando quandam suscipiet acrimoniam, quae, irritando paris octavi et intercostalis

lis ramos, hisce partibus impensos, in stomacho nauseam et vomitum, in intestinis vero spasmos et tormina ventris, et tandem per totum corpus convulsiones, &c. excitabit. Si crassamentum istud ductum communem choledochum obturet, icterum, infantibus recens natis tam familiarem, insequi necesse est. Crassamentum istud ejusque sequelae, purgante quodam apto tolluntur.

Si languescant infantum vires expultrices, oritur retentio meconii, quod, si diutius in intestinis remanserit, acre evadet, et, in genere nervoso adeo mobili, plurima symptomata, tam idiopathica quam sympathica, generabit, purgantibus et enematribus aptis sedanda.

LAC, quod infanti alimentum praebet, est naturâ acescens; et, quoniam ingesta in debili et tenero ventriculo in alienam abeant indolem, non mirandum est, si infantes, quorum vasa et viscera adeo debilia sunt, tot et tanta mala ex spontaneis lactis coagulis patiantur. Adeo varia sunt symptomata, et morbi qui lactis corruptelam sequi solent ut clarissimus HARRIS *, omnes infantum morbos ab hac fere origine

rigine deducendos esse, statuere non dubitaverit. Medicus vero, cui generis nervosi mobilitas, magna fluidorum copia, et laxus solidorum tonus, satis innotescunt, quot et quanta mala funesta inde secutura, nisi medela isti vitio cito adhibeatur, facile praevidebit. Pulveres testacei, qui coagulum istud rapiunt et raptum tenent, hic imprimis exhibendi; deinde rheum, quod, illud foras eliminando, simulque ventriculum et intestina corroborando, morbi reditum praecavebit, administrandum est.

CIRCA septimum mensem dentes infantibus prodire incipiunt, et, ut varia et funesta symptomata, quae illis per hoc tempus evenire solent, rite intelligantur, ad structuram gingivarum peculiarem et nervosam, et ad dentium duritatem et scabritiem attendere oportet. Dum prorumpunt dentes, stimulo suo pruritus, et dolorem fere intolerabilem, in ipsis gingivis excitant, et, per nervorum sympathiam, plurimae imo remotae corporis partes variis divexantur malis: in ore scilicet, copioso salivae fluxu, ex oculis lymphae stillicidio, et in faucibus glandularum salivalium tumoribus, in ventriculo nausea et vomitu, in intestinis
alvi

alvi profluvio, et in toto corpore convulsioni-
bus et febribus : quae omnia, ex ingenti hu-
morum aquosorum copia, mobilique syste-
ma nervoso ex gingivis irritatis in consensum
deducto, oriuntur. Symptomata haec, observa-
vit olim HIPPOCRATES *, esse violentiora dum
erumpebant dentes canini. Quoniam tam va-
ria et diversa mala a gingivis primario affectis
emanant, hae medicamentis aptis fovendae
sunt ; ita ut molles, tenerae, et flexibiles, et
dentibus facile penetrandae fiant.

INFANTES unum annum nati victu ex vege-
tabili regno desumpto vescuntur, et tum ver-
mibus laborare incipiunt ; nam, cum hujus ge-
neris alimento, ingeruntur insectorum ova, quae,
in nido adeo calido, viscidâ pituitâ in primis
viis a bile inerti, farinaceo victu et fructibus
immaturis oriunda, foveantur et nutriuntur.
Vermes in infantibus, ad laxum corporis ha-
bitum, et debilem intestinorum vim expul-
tricem, quae, ingenti mucii collectioni, ut
nido apto ad hanc prolem verminosam foven-
dam, originem dant, referri possunt. Mor-
bi symptomatici, quales vertigo, febres, et
convulsiones, ab irritabilitate systematis ner-
vosi

B

vosi

* Sect. 3. aphor.

vosi in consensum deducti, ex intestinis a vermibus punctis et vellicatis, intelligendi sunt. Curatio circa sequentia versari videtur: 1mo, In necandis vermibus: 2do, In ovis et novo pabulo evitandis: 3to, In ventriculo et intestinis roborandis; adeoque totum corpus pedetentim firmando.

ALTERA morborum, in infantibus, magna origo hinc est, quod fluidorum vis et copia e vegeto corde actorum, robur et renitentiam solidorum longe exsuperant. Tota in illis morborum caterva, quos exanthemata et efflorescentiae comitantur, ab hac causa deduci queunt. In his primo enumerandae veniunt aphthae, quae sunt ulcuscula in vasis exhalantibus oris et faucium, a spisso viscidoque humore, ista extrema vasa obturante, nata, variosque colores, ratione temporis, copiae et acrimoniae humoris obstruentis, induentia. Hae infantibus dentientibus magis sunt familiares, quod oris vasa extrema ex dolore gingivarum spasmodice constringuntur; ita ut obstructio ex vasorum vitio nascatur. Aphthas, febris et plurima alia symptomata gravia, non sine V. S. emeticis, purgantibus et gargarismatis tempestive adhibitis tollenda, comitantur.

tur. Tam varia et numerosa sunt exanthemata, cutem infantum faedantia, ut singula figillatim expendere non sinat instituti nostri ratio; sed horum principia generalia tradere conabimur.

QUUM turgescunt liquida, et praesertim si particulis acribus impraegnantur, hanc aut illam corporis partem, sub variis formis, invadunt; prout vasorum, in his partibus, capacitates, talibus particulis transmittendis aut infigendis, adaptantur. Cutis minutissimis vasis instruitur, quae longe a corde distant; ideoque humorum circuitus in his tardus esse debet: firmam etiam habet texturam, et vicissitudinibus aeris nunquam non exponitur. Ex hac igitur cutis structura et situ, hisce particulis infigendis aptior fit quam partes corporis internae, quae balneo quasi foveantur atque aëris actione immunes sunt; et sic horum vasa eandem retinent diametrum, et sanguinis circuitus in his expeditus est, nisi quum fluida magnâ copiâ particularum morbidarum turgent.

HUMIDITATES pone aures, tinea capitis, et varii morbi eruptionibus stipati, qui per totum pueritiae

pueritiae decursum, cutem a capite ad calcem foedant, ex doctrina tradita, intelligi possunt. Ad hos igitur curandos, egregii SYDENHAMI observatio maxime spectare videtur, morbos scilicet nihil aliud esse nisi conamen naturae materiae morbificae exterminationem molientis. Hinc cavendum est, ne ex medicamentis topicis eruptiones istae in interiora reperiuntur, quod saepenumero gravissimorum, imo lethalium, morborum origo est. Medicamenta hic apta talia sunt * quae aliquantum humorum copiam minuunt, unde infantes adeo bene lenissima imprimis ex rhabarbaro purgantia ferunt. Profunt plerumque et illa quae acidae acrimoniae temperandae conducunt, ut absorbentes, ex lapidibus cancrorum, &c. pulvisculi. Deinde quae nimis facilem irritabilitatem generis nervosi aliquantum compescunt, et simul solidas partes moderate roborant; hinc rhabarbarum cum lapidibus cancrorum et paulillo cinnamomi, adeo prodest.

Hic praetereundum non est, pueritiam esse periodum morbis epidemicis eruptionibus stipatis minus periculofam, quales sunt variolae, et

* Van Swiet.

et morbilli, &c. quod vasa tunc libera et expedita sunt, et laxa solida morbi impetui facile cedunt ; unde haec est, variolarum per insitum propagationi, periodus aptissima.

MORBI supra memorati, et multi alii brevitas causâ hic praetermissi, juniores, ante decimum annum, oppugnare solent ; post hunc, vero, usque ad decimum quartum aetatis annum, eorum plurimi, et praeterea, febres diurnae, se produnt ; quae omnia, ex doctrina tradita, intelligantur. Unicus est morbus hic commemorandus, Rachitis scilicet, ad quem infantes non sunt natura proclives, sed a malo instituto vitae regimine facillime inducitur.

QUUM, ex quacunque causa, solida ita debilitantur, ut functiones suas rite peragere non queant, dispositio rhachitica in infantibus nascitur, quae debetur viribus solidorum labefactatis, et fluidis crassi sua orbatis nimiumque aquosis redditis. Quamvis hujus morbi symptomata plurima sint, hisce tamen duobus principiis corpori inductis ex antecedentibus morbi causis, ratione tantum habitae diversae et tenerae partium affectarum fabricae, facile explicari

plicari queunt. Curatio, igitur, fufcipienda eft. Imo, Omnes antecedentes morbi caufas evitando. 2do, Aptumque vitae regimen inftituendo. 3tio, Denique, in ufu medicamentorum roborantium cum propriis cautelis ufurpandorum, per aliquod tempus, perfiftendo.

QUAEDAM hic de caufis, cur morborum haereditariorum, fcrofulae fcilicet, fpinae ventofae, &c. infantes luant paenas, addere non incongruum erit. Spina ventofa et fcrofula in infantibus faepiffime obfervanda veniunt; quod, in tali corporis ftatu, folidorum compages natura debilis fit, et fluida, acrimonia quadam, vitio parentum aut aliter inducta, inficiantur. Notandum eft etiam, ad morbos iftos inducendos, habitum coporis magis debilitatum effe debere, quam in vegeto infantum copore folet. Symptomata quibus hi morbi fe oftendunt plurima funt; in fpina nempe ventofa, liquida funt aquofa et acrimoniâ imbuta, et medulla, quae a fanguine fecernitur, ejufdem eft generis: fi igitur obftructio aliqua, vel abforbendi defectus, hanc in offibus ftagnare faciat, fenfibles membranas fenfim erodit, quod moleftiam et dolorem lancinantem creet. Auâta dein hujus liquoris ftagnantis quantitas, parietes offium

offium solidos emollit et distendit, absorpta vero febrem hecticam accendit, quae aegrum sensim emaciando finem vitae imponit. Nonnunquam etiam accidit, convulsiones ex materia resorpta, aut ex magna partis affectae irritatione induci, quibus aegrotantis vita citius ad terminum perducitur. Scrofula idem fere morbus est in glandulis, ac in ossibus spina ventosa, ratione tantum diversae partium affectarum fabricae habita. In utraque curatio ardua est et difficilis, sed in genere absolvenda, debilitatam solidorum compagem roborando, et acrimoniam fluidorum, si modo possit, corrigendo. Proxime veniunt pertractandi juventutis morbi, de quibus breviter dicemus.

HIPPOCRATES, non solum aetatum in morbis generandis vim, sed et horum in iis curandis potestatem, olim observavit; et singulas periodos, quibus infantum morbi judicantur, speciatim annotavit. Ista ad morbos corporis dispositio, a mutationibus, quas in variis aetatibus patitur, ortum habet, quae nihil est, nisi solidorum et fluidorum ad se invicem variata proportio. Unde, juventutem ad morbos pueritiae vix esse proclivem, sed malorum classem sibi propriam habere, compertum est. Atque

que hic praetereundum non est HIPPOCRATIS in loco citato effatum ; quae vero, inquit, affectiones pueris permanferint, neque solutae fuerint circa pubertatem, aut feminis circa menſtruorum eruptiones, perfeverare ſolent. Cujus obſervati ratio haec eſſe videtur, quod horum morborum cauſa, vel nobis connata, vel poſtea contracta, adeo in ipſa corporis fabrica et habitu radices infixerit, ut vi vitae mutari non poſſit. Priuſquam morbos, ad quos juventus eſt proclivior, explicare aggrediamur, de corporis per illam periodum habitu pauca praemittenda ſunt.

CORPUS humanum machinam quandam perpetuam refert, cujus fabrica et ſtructura, ex actionibus ſuis repetitis, indies mutationes patiuntur. Plurima enim vaſa nunquam non evaneſcentia et ſolida fiunt, prout cordis, arteriarum et muſculorum preſſio, in varias corporis partes, plus minusve agit. Sic ſolidorum robur, eorumque ratio ad fluida perpetuò augentur, et actioni cordis majorem, quam in pueritia, faciunt renitentiam. Creſcentibus vero ſolidorum ratione et robore, eorum actio eadem ratione augetur ; exinde ſanguis magis compingitur et condenſatur, atque, dum partes aquoſae diſſipantur, humorum ratio ad ſolida aliquantum

aliquantum minuitur. Moles igitur solidorum indies, quamvis lentius, crescere pergit, donec corpus ad *axm* suam perveniat, quando perfectum adest equilibrium intra vires cordis et vasorum renitentiam.

CEREBRUM vero, et ejus producta, medulla scilicet spinalis et nervi, quae haud pari ratione cum caeteris corporis partibus crescunt, firmiora fiunt, et sic minus irritabilia. In juventute igitur, nervorum morbi minus frequentes sunt; isti vero qui ab auctis solidorum motibus et actionibus proveniunt, saepius occurrunt: cordis enim et arteriarum vis contractilis, solidorum resistantiam adhuc exsuperat; unde morbos ab hac causa oriundos non raro videre licet. Juventutis morborum causae, ad duas sequentes, revocari queunt:

1mo, AD auctum solidorum robur et rationem ad fluida, et exinde motum fortiolem:

2do, AD vim cordis et arteriarum majorum contractilem, solidorum robur et resistantiam adhuc exsuperantem.

DUM sanguis e corde pulsus, indies vasa minora corporis explicat et evolvit; tandem etiam vasa, ad partes generationi dicatas distributa,

buta, ita extendit et dilatat, ut functionibus suis perficiendis apta evadant. In pueris et puellis, vasa testium et uteri tantum humores tenuiores aquosos transmittunt, et quidem parva admodum copia; vi autem fluidorum e corde continuo pulsum indies auctâ, circa pubertatis tempus, vasa testium in juvenibus semen praeparare incipiunt; vasa meatusque uterini in femellis, sanguinem rubrum intra cavitatem matricis dimittunt. In foeminis vasa ista laxiora et debiliora sunt, quam vasa testium in viris; eamque ob causam, illae citius ad pubertatem perveniunt.

MORBI in masculis, ex femine oriundi, pauci sunt; aliquando contingunt autem testiculorum tumores, et varicosae inflationes vasorum feminalium, leni frictione, supra vapores accensi succini, simulque purganti levi dato, facile curabiles. At morbi in femellis, qui mensium eruptionem praecedunt, comitantur, et insequuntur, varii sunt; nam si cor vasa uterina dilatare non possit, aut si vasa ista nimis contracta vel rigida sint, naturae, ad evacuationem istam salutarem promovendam, conatus frustratur. Et ut nonnihil sanguinis obstructi, perpetuo absorbetur, qui circuitum cum
communi

communi massa peragit, partes quasdam sibi ipsi assimilat; ita ut tandem tota massa viscida ista et inertis dispositione inficiatur. Toto systemate vasculoso nimium turgido facto, et propter evacuationis propositae, et circulationis in vasis uterinis defectum, horum tonus sensim amittitur; donec tota solida laxiora, et exinde fluida minus densa et compacta fiant, aut in aquosiores naturam degenerant. Ex his accurate perpenſis, tota chloroseos symptomata explicari queunt. Si porro ad principium istud, quo fibrae animales ad contactum stimuli se contrahant, attendamus, intellectu erit facile cur morbus hystericus, in tali corporis statu, evenire soleat. In chlorosi indicationes curatoriae hae sunt; 1mo, Ne quis novus morbo fomes addatur: 2do, Ut depravata fluidorum dispositio et solidorum robur corrigantur: 3tio, Denique, ut fluxus menstruus promoveatur.

Superatis autem pubertatis annis, corporeque ad *ακμην* properante, major vigor majusque robur accedit partibus solidis, quae tum in fluida contenta, inde densiora facta, et ad lentorem disposita, intensius agunt; appetitu vero bono manente, magna exinde sanguinis copia praeparata,

praeparata, plethoram inducit. Sanguis iste, in femellis, per uterinas vias excernitur; in masculis autem, nulla tali insigni periodica evacuatione existente, per nares saepe, vasis membranae pituitariae exhalantibus dilatatis, expurgatur. Cerebri arteriae, ex situ suo et capacitatibus, multum sanguinis huic tribuunt; encephalo vero semper pleno existente, et rigido et renitenti cranio coercito, hinc fit ut, si quis sit in capite tumultus, ejus fert impetum cerebrum ipsum. Unde in adolescentibus dolores et exaestuationes capitis, aurium tinnitus, et oculorum dolores; imo interdum epilepsiae, aetatem hanc graviter infestare solent. Plethorae etiam istius impetum nonnunquam sustinent pulmones, quorum fabrica mollis est et delicata, et ut tota sanguinis massa per hos, eodem temporis spatio quo per totum corpus, iter absolvit; inde sanguinis massa, velocitate longe majori in pulmonibus, circuitum facit. His igitur perpensis, mirandum non est, si in hac aetate accidat haemoptysis, medicamentis antiphlogisticis prudenter tractanda. Si tali modo medelam non capit, obstructio et inflammatio in pulmone non raro producuntur, quae tandem in suppurationem abeunt, materiâ ulceris

ceris denique in sanguinem resorptâ ; tabes purulenta exinde inducta, aegrum sensim emaciando, vitae filum celeriter abrumpit. Hic vero morbus cum regioni nostrae propemodum popularis sit, ut apud exteros Britannicus fere audiat ; proinde ejus causa et curatio, apud nostrates, attente perpendenda venit. Juventutis morborum curatio generalis suspicienda est ; imo, Sanguinis impetum minuendo : 2do, Lentorem ejus dissolvendo : 3tio, Noxium omne eliminando. Morbi supra nominati praecipui sunt, ad quos juvenus, ex corporis fabrica, proclivior est ; caeteri hic praetermissi, ex haëtenus dictis, facile explicare possunt. Ad aetatis adultae morbos jam progrediendum est.

QUUM ubique in corpore, ejus incremento jam perfecto, solida tale robur et renitentiam vi vitae acquisiverint, ut se ulterius extendi non patiantur, aetas dicitur adulta, seu virilis. Tum verò perfectum, inter vires distendentes et vires resistentes, oritur aequilibrium, ambo nempe maximum vigorem tum adeptae sunt. Unde sanguis, cujus dotes et proprietates, a viribus cordis et arteriarum, hac in aetatis periodo, magnopere auctis, pendent, densus, compactus

pactus et elaboratus esse debet. Qui igitur dotes sanguinis tali modo inductas accuratè perpenderit, proclivitatem ad morbos acutos inde oriundam, facile praevidebit.

QUUM ergo humores, diathesi phlogistica imbuti, validissimo cordis impetu projecti, in hanc aut istam corporis partem impingant, ibi mala diversa, diversis nominibus insignita, prout hujus aut istius partis actio laeditur, producunt. Si igitur humores isti, ex quacunque antecedenti causa, in pulmones ruant, peripneumoniae, si in latera pleuritides, si in cerebrum apoplexiae, maniae, epilepsiae, &c. si in ejus membranis cephalalgiae et phrenitides, oboriuntur. Febres ardentes etiam observandae veniunt. Hoc ipso temporis spatio, haemorrhoides se produnt, quoniam, incremento desinente, plethora saepe nascitur; adeoque in dispositis superfluous humor per haemorrhoidalia vasa dimittitur, quo non rite absoluto, varia inde incommoda fluunt, moliminum haemorrhoidalium nomine passim nota.

IN omnibus morbis acutis violentioribus magnus adest calor, ingensque partium liquidiorum

rum fit dissipatio, reliquae vero inspissantur, et totum corpus exsuccum et aridum fit, humoresque in putredinem vergunt. Ad nimium igitur calorem sedandum pro re nata celebretur V. S. ad partes tenuiores difflatas supplendas, et ne reliquae inspissentur, magna diluentium et attenuantium copia ingerenda est; ad humorum putredinem arcendam profunt imprimis acescentia, acida et sales neutri.

CIRCA annum quadragesimum sextum aut octavum, in sexu teneriori uterina vasa tam contracta et rigida fiunt, ut, vi cordis et arteriarum, ulterius dilatari nequeant; unde non amplius mensium fluxus, quo desinente, plurima nonnunquam mala, plurimas corporis partes, praesertim mammas, occupare solent. Paucula haec de aetatis adultae morbis sufficiant; de senectutis morbis et fato senili, pauca dicenda restant.

CORPUS nostrum, quicquid contra somniârunt chemici nonnulli, minime stabile est, nec in aeva durare potest; nam, continua solidorum et fluidorum actione in se invicem, mutationes insignes patitur, et indies, licet lento gradu, ad terminum properat. Vasa minima,
cordis

cordis, arteriarum et musculorum actioni, perpetuo obnoxia sunt; quae exinde coalescendo, in fibras solidas paulatim transeunt. Vasa autem majora, quae corpus constituunt, ex minoribus istis conflata, similes, quamvis lentius, subeunt mutationes. Hinc ista vulgo nota rigiditas, omnibus senum partibus sensim inducitur, quae, quo magis in senectutem vergunt, eo magis magisque augetur, donec tandem morte senili placide quiescant; de qua CICE-RO ait, “ omnium aetatum certus est terminus, senectutis autem nullus est certus terminus.”

Ex hac partium rigiditate sensim aucta, cutis ficca et arida evadit; ejusque tubuli perspiratorii exinde angustantur, ita ut perspiratio multum minuatur. Angustatis autem et ficcatis in senili corpore cutis spiraculorum osculis, humida recrementa, quae per eadem eliminari debent, ad alia corporis excernicula refluant, ibidemque collecta, varia mala excitant. Solidorum rigiditate copiaque exauctis, tonum suum et elasticitatem perdunt; unde non solum horum motus systalticus multum minuitur, sed majorem cordi resistantiam praebent; exinde sanguis non rite conficitur et elaboratur

laboratur, sed crasi sua orbatus, in alienam prorsus abit indolem. Sanguine sic vitiato, spiritus animales, qui exinde secernuntur, impuri et actionibus suis peragendis inepti fiunt: hinc torpent et languent omnes corporis actiones, five sint vitales, animales, aut naturales. Fracto sic solidorum tono, fluidique ita vitiat, sensibilitas omnium corporis partium multum hebescit; cumque plurimae, et quidem primariae corporis nostri actiones a partium sensibilitate pendeant*, exinde mirandum non est, si istae eadem ratione laeduntur, qua sentiendi ista facultas obtunditur. Senum igitur morbi ad tres sequentes causas referri possunt:

1mo, AD diminutam et fractam solidorum actionem, et fluidorum crasin exinde depravatam:

2do, AD materiem perspirabilem in corpus detentam:

3tio, AD nervorum et fibrarum sensibilitatem imminutam.

IN morbis senum generandis, hae tres praedictae causae ita simul conspirant et agunt, ut difficile admodum sit, illos sub alicujus harum causarum titulo figillatim expendere; unde de

D

illis

Vid. Dr. Whytt's essay on the vital and other involuntary motions of animals.

illis tantum generatim dicendum. Quum vero, hac in aetatis periodo, vasa excretoria undique in corpore multum angustentur, ac penitus quasi deleantur; quum etiam cordis et arteriarum vis multum imminuatur; sanguis se depurare non potest; sed particulae acres terrestres intus detinentur, quae varia mala excitant, prout hanc aut istam corporis partem, adoriuntur. Si autem frigidus et impurus iste sanguis in caput delatus sit, omnibus fere capitis morbis, quales sunt vertigines, apoplexiae, epilepsiae, omnes soporosi affectus, paralyfis, &c. ansam praebet. Sanguis iste in thoracem delatus, tusses, asthmata, omniaque inde oriunda mala, excitabit. Si vero hic sanguis in abdomen impetum faciat, nephritis, haemorrhoides caecae vel nimium fluentes, dysuria, stranguria, vesicae calculus, &c. inde pullulant. Si musculos et artus obsidet impurius pars sanguinis, rheumatismi, dolor ischiadicus atque arthritis gignuntur. Ulcera mali moris, senes, praesertim in cruribus, frequenter detinent. Ex humoribus impuris factis et acrimonia salina imbutis, ob excretiones minus rite succedentes, cutisque spiracula minus per via reddita, ulcera haec aliique morbi cutanei tum observandi oriuntur. In summo senio ubi humores

humores vix, ac ne vix quidem defaecantur, periculum sphaceli a causa interna senibus imminet. Horum plurimis, aliisque hic non memoratis, hominem infestantibus, corpus ejus marcore senili exhauritur. Quum morbi, qui in senio observandi sunt, a fibrarum siccitate nimia et rigiditate, vasorum angustia, et secretionum atque excretionum tardiori progressu, pendeant, omnia intemperata, tam in victu, quam in pharmacorum administratione evitanda, nimis videlicet calida, frigida, acida, falsa, tanto magis exsiccantia, adstringentia et tonum fibrarum minuentia; contra, ea salubritatis laudem merito ferunt omnia temperata, ex medicamentis diaphoretica, laxantia, nutrientia stomachica, roborantia, ex alimentis quae facile digeruntur, vimque emolliendi, humectandi atque temperandi habent.

HACTENUS de morbis senectutem comitantibus breviter diximus, proximè, coronidis loco, quaedam proponemus de morte purè senili, uti vocatur.

QUAMVIS corpus humanum, consilio inscrutabili exstructum, necessariis vitae actionibus partes suas non citius deterit, quam eas
 iterum

iterum reficiat; tamen talis est ejus natura, ut, etiamsi ab omni aegritudine, omnique morbo immune fervetur, ad mortem necessario properet. A perenni partium solidarum et fluidorum actione in se invicem, et frictione continua inde orta, partes solidae densiores, duriores et rigidiores, sensim evadunt, vascula tenuissima, fluidis olim pervia, tandem in fibras solidas mutantur, unde vasa majora, utpote ex his composita, contractiora, fluidisque magis renitentia fiunt; fluidis autem per vasa minora non amplius transeuntibus, partes solidae mole minuuntur, et corpus aridum rugis marcescit. Imprimis autem cerebrum, in cujus vasis exilissimis parantur spiritus, officium suum perfunctoriè peragit; hinc senibus perit memoria, sensus deficiunt, omnesque mentis operationes languent. Haec aliaque senectutis signa mortisque purè senilis praenuncia, sequentibus versibus pulcherrimè ab eminentissimo Polignac depinguntur.

At cum sit paucos instructum corpus ad annos,

Provecta sensim labefactum aetate fatiscit:

Ut rheda, ut vestis longo corrumpitur usu;

Et ratis assiduè casus experta marinos.

Densior it sanguis, concrescit vappidus humor,

Durescunt

*Durescunt fibrae, flaccescunt denique nervi,
Cor titubat, nec jam radiat vitalibus auris
Thesaurus capiti concreditus; ossa rigescunt,
Fit pedibus manibusque tremor, grave pectus an-
belat,*

*Caligant oculi, sonitus malè suscipit auris,
Deficiunt vires, vox aegre faucibus exit,
Albescunt crines, rugatur marcida pellis.
Tunc vitio primae ceu debilitatis hebescit
Machina: fitque senex iterum puer.*

Anti-LUCRET. lib. V.

Hifce omnibus quotidie in pejus ruentibus, tandem cor callosum utcunque, sed robore multum imminutum, per canales nimis rigidos et resistentes redditos, humores amplius propellere nequit, unde fit quies in corpore fatalis, vitaeque longaeva morte placidissima terminatur.

F I N I S.

